

Beszédértés/szóbeli vizsga mintafeladat C1
MEGOLDÁSOK

1. kép



Kérdés: So dikhes po kipo? So gindis pa leste?

Kérdés/válasz:

Kado kipo jekh moderno kipo si. Ande adyesutni vrama aba le manusha kethane trajon le kompjuterosa. Lenca keren butyi, lenca hodinisaren. Naj kesavo manush, kas aba naj kompjutero. Vi le manushengo telefono godyaver si, kode kerel butyi sar jekh kompjutero. Vi le telefonosa shaj zhal opre o manush po interneto, butfale dyelura shaj kerel le telefonosa. Muri shej peske godyavere telefonosa phirdas avri vi o univerziteto. Po telefono das andre le butya, po telefono kerdas but egzamenura. Vi le cine shave hasnin o kompjutero, o godyaver telefono, feri kodolenca kamenas te khelen pen. Man si jekh amal, siles jekh duje bershengo shavoro. O cino shavo kode dikhel pe mure amalesko telefono le paramichi thaj le kipura, sar jekh baro manush. Le cine aba kode rakhadyon, hoj zhanen, so trubul te keren le telefononca, le kompjuteronca.

- *So gindisares, le manushenge lasho-j, hoj zurales but informaciji aven anda o interneto?*
- Me kode gindij, hoj kon zhanel te trajol lashes le internetosa, kodoleske zurales lasho-j o interneto. Shaj hasnil ande peski butyi, shaj hasnil ando kinipe, zurales but informaciji



Beszédértés/szóbeli vizsga mintafeladat C1

MEGOLDÁSOK

shaj kidel pa o interneto. Ba kado zurales fontosho-j, kothar kidel le informaciji. Butfale riga si, trubul te dikhas, hoj savo chacho-j!

- ***Tu pe soste hasnis o kompjutero?***
- Me butivar hasnij. Sima godyaver telefono thaj kade akarkana zhanav te dikhav mure emailura po telefono. Kaj muri butyi kado trubul. Varikon pushel mandar variso perdal emailo, vaj avel jekh nyevi butyi, atunchi me sigo zhanav te dav vorba palpale. Zhanav te bishavav love anda o banko, vaj zhanav te dikhav, hoj avilas aba le love varikastar. Te chi zhanav varisoski informacija tele jekh-duj sekundumura zhanav te dikhav. Thaj inke butivar ashunav bashajipe po youtube. Thaj ande muri oficija po laptopo iskirij lila, thaj but chasura iskirij dokumentumura, save kaj muri butyi trubulas. Vastesa aba majlokhes zhanav te iskirij thaj te kerav butyi, sar le kompjurerosa. Te variso nasules iskirij, atunchi po kompjutero majbiphares zhanav te khosav vaj te lasharav.
- ***Thaj le cinenge lasho-j?***
- Me kode gindij, le cinenge naj lasho. Von chi khelen pen pej avlina, pej mal. Von majfeder angla o kompjutero kamenas te beshen thaj feri filmura, paramichi te dikhen. Na chachenca, te na kompjuteroste khelimatonce kamenas te khelen pen. Kado naj lasho. Von trubulas majfeder te nashkeren, te hutykeren. Von chi avena saste!

2. szituáció

Ön már több éve dolgozik a munkahelyén. Kérje meg a főnökét (vizsgáztatót), hogy engedje el egy két napos szakmai konferenciára. Szeretné, ha a költségeit megtérítenék (útiköltség, részvételi díj). Érveljen a konferencia fontosságáról, mondja el miért érné meg a főnökének, ha ön ezen részt venne.

Párbeszéd:

- Lasho dyes muro sheruno!
- ***Lasho dyes Tibor! So si andej butyi? Sar zhal o projekto?***
- Naj khanchi bajo, o projekto lashes zhal.
- ***Mishto-j. Zhanav ande varisoste te zhutij? Kado projekto zurales fontosho-j mange, kado vi lashes zhanes. Te variso trubul, atunchi phen mange!***
- Avla jekh konferencija andej Peshta ando Hilton Hotelo pa kadala butyaki tema, ande soste ame sam akanak. Anda Amerika aven le professorura te vorbisaren pa le nyeve dyelura, so ando paluno bersh rakhline. Ande Europa anglunovar vorbisaren pa kado dyelo. But manusha avena andal kaver thema te ashunen len. Kode gindij interesno avla kadi konferencija.



Beszédértés/szóbeli vizsga mintafeladat

C1

MEGOLDÁSOK

- *So avla e tema?*
- Kadi avla la konferencijaki tema, so trubul kaj amaro nyevo projekto. Sar shaj sityaras le shavorenge e matematika thaj e fizika majlashes, hoj von palaj mashkarutni shkola te zhan andel lashe univerzitatura. Kohte majlashes te hatyaren o sityipe, te zhanen te sityon thaj vi von te kamen t'aven matematikake thaj fizikake sityara.
- *Kado zurales intersno thaj fontosho si amange. Sode love si kadi konferencija?*
- E duje dyeseski konferencija panzhavardesh miji forintura si. Thaj avel inke late o sovine thaj o dromipe. Ando hotelo jekh duje patongi soba bish miji si. O dromipe andre avel anda desh miji vurdonesa. Te kethane dav anda jekh shel miji avri avel.
- *Sostar avla amenge lasho, te tu zhasas pej konferencija?*
- Me kade gindij ame majlashes zhanasas te sityaras le sityimasken andej shkola, te pinzharasas le nyeve tehniko ando sityaripe. Te majlashes kerasas butyi, atunchi majbut palyazatura zhanasas te keras, maj love shaj xutyilasas. Kado majlasho avla amara shkolake.
- *Mishto-j, mishto-j. Kado zurales but love si, inke trubul te gindiasrav man. Kana avla e konferencija?*
- Hatyarav, ba aba cerra slobodni thana si, thaj inke majzebejime tehara trubulas te kinav bileto. Kadi konferencija ande majushi pe deshupanzhto thaj deshushovto dyes ijja chasongo avla. Tehara zhanes te phenes mange, hoj shaj zhav pej konferencija?
- *Ova, tehara pheno tuke. Ba feri vaj o dromipe, vaj o hotelo zhanav te potyinarav tuke. Varisavo tu trubul te potyines.*
- Mishto-j, o dromipe me potyino. Inke jekhvar phenav tuke, hoj kadi konferencija zurales interesno avla kaj amaro projekto. Trubul te zhav kothe!
- *Mishto-j, tehara sa vorbisarasa! Zha Devlesa!*
- Ash Devlesa!